



Republika e Kosovës

Republika Kosova

Republic of Kosovo



REPUBLIKA E KOSOVES
REPUBLIKA KOSOVA
KOMUNA E KAÇANIKUT
OPSTINA KAÇANIK



Opština Kaçanik

Municipal Kaçanik

Data	02.07.24	Vendi	KAÇANIK
Nj. org.	Numri	Shtojcë	
10	104/02-15279	/1	

DREJTORIA PËR ZHVILLIM EKONOMIK DHE TURIZËM

THIRRJE PËR APLIKIM

Në programin
“Subvencionimi i bizneseve ekzistuese
mikro dhe të vogla”

02.07.2024

Drejtoria për Zhvillim Ekonomik dhe Turizëm (DZHET) në Komunën e Kaçanikut, në bazë të nenit 16 të Rregullores për ndarjen e Subvencioneve në Komunën e Kaçanikut me nr. 01Nr.05-16-39427/16, në kuadër të Programit " Subvencionimi i bizneseve ekzistuese mikro dhe të vogla " shpallë këtë thirrje për aplikim për mbështetje të bizneseve lokale mikro dhe të vogla.

Qëllimi i Programit "Subvencionimi i bizneseve ekzistuese mikro dhe të vogla", ka për synim fuqizimin ekonomik të bizneseve lokale , përkatësisht promovimin dhe rritjen e tyre. Ky fond do të nxisë dhe mbështesë zgjerimin e bizneseve për punësim kryesisht te grave dhe të rinjëve.

Interes i veçantë i kushtohet projekteve që kanë mundësi të zëvendësojnë importet dhe të krijojnë eksporte që mbulojnë nevojat dhe prioritetet e mjedisit lokal. Shuma e fondit në dispozicion për këtë thirrje është 56,000.00 €.

Vlera maksimale e financimit të përbashkët të një granti është 3,000.00 €

- Përqindja e bashkëfinancimit nga aplikantët duhet të jetë 30%, kurse shuma që kërkohet nga Komuna e Kaçanikut nuk mund të jetë mbi 70% e kosto totale të projekt propozimit (pra shuma e bashkëfinancimit nga ana e komunës nuk mund të kaloj vlerën 2,100.00 € dhe kosto totale e projekt propozimit nuk duhet të kaloj vlerën 3,000.00€, ndërsa shuma e bashkëfinancimit të bizneseve nuk duhet të jetë më e lartë se 900 €).

I. KRITERET E APLIKIMIT:

1. Bizneset duhet të jenë të regjistruara në ARBK dhe të operojë në komunën e Kaçanikut, ku edhe duhet të bëhet investimi;
2. Bizneset ekzistuese duhet të jenë ndërmarrje në pronësi private 100% dhe të regjistruara në Kosovë sipas ligjeve të Kosovës;
3. Biznesi duhet të ketë të punësuar së paku një punonjës ose të jetë i vetëpunësuar;
4. Të gjeneroj punësim me marrjen e grantit;
5. Bizneset duhet të dëshmojnë se janë funksionale, të qëndrueshme në treg dhe kanë kapacitet të mjaftueshëm për zgjerimin e prodhimit, qarkullimit dhe rritjen e numrit të punonjësve;
6. Bizneset të cilat promovojnë ide kreative dhe inovative në tregun tonë do të kenë përparësi;

7. Ndërmarrjet të cilat me blerjen e pajisjeve ofrojnë produkte cilësore të cilat ndikojnë në zhvillimin ekonomik kanë përparësi;
8. Në momentin e aplikimit biznesi duhet të dorëzojë Profaturën /Ofertën për pajisjet dhe mjetet e punës të planifikuara për investim;
9. Bizneset duhet të dëshmojnë se i kanë të paguara obligimet ndaj komunës së Kaçanikut.(Tatimi në pronë, taksën për ushtrim të veprimtarisë së biznesit etj);
10. Bizneset duhet të dëshmojnë se nuk kanë obligime ndaj Administratës Tatimore të Kosovës(ATK);
11. Biznesi duhet të ketë një qarkullim prej 2,000.00€ - 20,000.00 € nga viti i fundit kalendarik, të dëshmuara nga ATK, ndërsa bizneset e regjistruara /hapura gjatë vitit 2024 kanë të drejtë aplikimi me kushtin që kanë qarkullim minimal prej 1,000.00€ gjatë TM1 dhe TM2;

II. PËRPARËSITË PËR GRANTET PËR BIZNESET MIKRO DHE TË VOGLA:

Gjatë ndarjes së subvencioneve për zhvillim ekonomik, në kushte të barabarta Komuna u jep përparësi rasteve specifike si në vijim:

- 1.1. Bizneseve prodhuese, përpunuese dhe shërbyese që gjenerojnë punësim (5 pikë);
- 1.2. Bizneset të cilat udhëhiqen apo kanë të punësuar persona të cilët i takojnë kategorive me nevoja të veçanta (5 Pikë);
- 1.3. Bizneset të cilat udhëhiqen nga gjinia femërore (3 pikë);
- 1.4. Bizneset të cilat udhëhiqen nga të rinjtë deri në moshën 26 vjeç (3 pikë);
- 1.5 . Bizneset të cilat posedojnë dëshmi apo çertifikime profesionale (2 Pikë);
- 1.6. Bizneseve që nuk kanë fituar më parë subvencione nga komuna dhe nuk kanë qenë përfitues të ndonjë subvencionit për zhvillim ekonomik të ndarë nga komuna, pushteti qendror ose nga ndonjë donator tjetër (2 Pikë).

III. ÇFARË FINANCOHET NGA GRANTI:

Blerja e pajisjeve dhe mjeteve të punës (Pajisjet duhet të jenë të reja).

Investime në asete të prekshme që kanë të bëjnë me blerjen e pajisjeve, makinerisë, linjat e prodhimit, që mund t'i ndihmojnë kompanive të jenë më pak të varura nga faktorët e jashtëm.

IV. KRITERET JOKUALIFIKUESE:

Aplikantët potencialë nuk mund të marrin pjesë në këtë thirrje apo të përfitojnë grant nëse gjenden në ndonjërin prej situatave që renditen si më poshtë:

- Bëjnë pjesë në njërin prej veprimtarive si: tregtia (me pakicë e shumicë, në kuptimin e shit-blerjes), ndërtimtaria, shëndetësia, bujqësia dhe gastronomia;
- Paraqet veti diskriminuese apo ka ndikim negativ në shoqëri dhe komunitet;
- I shkakton dëme ambientit apo ndonjë grupi tjetër të marginalizuar;
- Përfituesit e grantit të ndarë nga Komuna e Kaçanikut në vitin 2023 nuk kanë të drejtë aplikimi.

V. PROCEDURA E APLIKIMIT

Pakoja e Aplikimit mund të merret duke klikuar në ueb-faqen zyrtare të komunës në linkun: <https://kk.rks-gov.net/kacanik/category/konkurset-njoftimet/>, si dhe mund të merret pranë Qendrës për Shërbim me Qytetar në objektin e Komunës së Kaçanikut, kati përdhese.

Pasi ta keni plotësuar aplikacionin, së bashku me dokumentacionin mbështetës që kërkohet, duhet të dorëzohet në formën fizike në Qendrën për Shërbim me Qytetar në objektin e komunës së Kaçanikut kati përdhese, çdo ditë pune nga ora 08:00 deri në ora 16:00, ku protokollohet dokumentacioni dhe ju do të merrni numrin e protokollit, që dëshmon se KENI APLIKUAR.

Dokumentet duhet të dorëzohen në zarf të mbyllur .

Një aplikant nuk mund të dorëzojë më shumë se një aplikacion në këtë thirrje.

VI. AFATI I APLIKIMIT:

Afati i fundit për aplikim është deri më datë: 22.07.2024 ora 16:00.

VII. DOKUMENTET E NEVOJSHME PËR APLIKIM:

Pakoja e aplikimit e përmbanë dokumentet si në vijim:

- Formulari i aplikimit ;
- Deklarata nën betim nga aplikanti ;
- Kopje e letërnjoftimit;
- Kopje e Certifikatës së Biznesit me të gjitha informatat përcjellëse;
- Oferta / Profatura me të gjitha shënimet e duhura si: numri i regjistrimit të biznesit, numri i pro fakturës, emri i plotë i furnitorit (shitësit), adresa e saktë , nënshkrimi dhe vula e shitësit, dhe të gjitha të dhënat tjera të rëndësishme për furnitorin ku do të blihet pajisja/et, specifikacionin e pajisjeve apo mjeteve të punës me çmimin përkatës. Oferta duhet të ketë datën e saj pas publikimit të kësaj thirrje ;
- Konfirmimi Bankar i Biznesit;
- Dëshmi për pagesën e taksave komunale (tatimi në prone, taksa komunale për ushtrim të veprimtarisë);
- Dëshmi nga gjykata kompetente që dëshmon se aplikuesi nuk është nën hetime ;
- Vërtetimi tatimor me validitet në ditën e aplikimit (jo më i vjetër se 90 ditë) me të cilin vërtetohet se aplikuesi nuk ka borxhe aktuale tatimore të pashlyera apo obligime të tjera tatimore, ose është në marrëveshje për shlyerjen e borxhit me ATK-në ;
- Lista e punëtorëve për vitin e (2023/2024) të lëshuar nga ATK ;
- Deklarata tatimore vjetore për vitin e fundit fiskal 2023 ose dëshmitë e deklarimeve tre mujore të lëshuara nga ATK (të ardhurat bruto të dëshmohen nga Administrata Tatimore e Kosovës për vitin 2023), kurse bizneset e regjistruara në vitin 2024 të dëshmojnë me TM1 dhe TM2.

VIII. PROCEDURAT E VLERËSIMIT:

Faza e parë e vlerësimit të aplikacioneve do të përfshijë një “kontroll administrativ” për të siguruar që aplikantët kanë përmbushur rregullat e kualifikimit dhe dokumentet e kërkuara për aplikim. Faza e dytë dhe përfundimtare përfshinë vlerësimin përmbajtësor të aplikimit duke u bazuar në kriteret përzgjedhëse dhe nëse ndërmarrja ka perspektivë të mirë të të qenit e suksesshme dhe e qëndrueshme, si dhe që implementimi do të kontribuojë drejt përmbushjes së qëllimit të thirrjes për grante.

Për të kaluar vlerësimin projekt propozimi duhet të arrijë së paku 60 pikë.

Pas vlerësimit aplikantët do të renditen sipas pikëve të fituara .

Pjesa / Elementet e notimit	Vlera e përgjithshme/Pikët maksimale
1. Dokumentacioni i kompletuar	35
2. Qëndrueshmëria e veprimit	10
3. Relevanca e veprimit	15
4. Kapaciteti financiar dhe operacional	20
5. Përparësit e Grantit sipas pikës II të thirrjes	20
GJITHSEJ PIKE (Maksimumi)	100

IX. FORMA E PAGESËS SË GRANTIT:

Shuma e financimit të fondeve publike komunale për grante ndahet në:

Maksimumi nga 2,100.00 €

Grantet jepen në formën e transferit të mjeteve financiare, pasi që biznesi sjellë dëshminë respektivisht faturën e rregullt për blerjet (investimet) që ka bërë, të cilat duhet të jenë në përputhshmëri të plotë me kërkesën për investim që e ka dëshmuar me profaturë/ofertë.

Profatura që biznesi e paraqet gjatë aplikimit dhe fatura e rregullt që biznesi e merr pasi të ketë blerë pajisjen duhet të ketë përputhshmëri të plotë njëra me tjetrën, në asnjë formë nuk lejohet ndryshimi i specifikave të pajisjes.

Sqarim:

Në rast se jeni përzgjedhur përfitues i grantit, nënshkruhet marrëveshja me Komunën/DZHET dhe pastaj duhet të sjellët **Fatura dhe transferi bankar** i bërë nga xhirollogaria e biznesit tuaj tek operatori ekonomik (furnitori), me të cilën dëshmohet blerja e pajisjes/ve dhe pastaj Komuna e bënë rimbursimin e mjeteve financiare në vlerën e grantit.

Kohëzgjatja e planifikuar e zbatimit pas nënshkrimit të marrëveshjes nuk mund të tejkalojë 1 muaj.

Vërejtje:

Nga momenti i nënshkrimit të marrëveshjes me secilin përfitues, përfituesi është i obliguar që ti përmbahet kushteve të marrëveshjes, vlen të ceket që përfituesi nuk ka të drejtë që pajisjen ta ndërroj, shesë apo të huazoj tek pala tjetër në afate kohor prej 3 vite duke filluar nga data e nënshkrimit të marrëveshjes.

Pas nënshkrimit të marrëveshjes për secilin përfitues, formohet komisioni nga ana e Komunës së Kaçanikut, komisioni i cili monitoron gjendjen faktike në teren dhe në rast të keqpërdorimit eventual do të ndiqen rrugët ligjore.

Drejtoreshë e DZHET
Pranyerë Loku Zharku

